

Bosna i Hercegovina
Federacija Bosne i Hercegovine
Tuzlanski kanton
Općina Banovići
**Služba za prostorno uređenje,
planiranje, razvoj i poduzetništvo**



Босна и Херцеговина
Федерација Босне и Херцеговине
Тузлански кантон
Опћина Бановићи
**Служба за просторно уређење,
планирање, развој и подузетништво**

Adresa: Ul. Alije Dostovića br: 1. 75290 Banovići

Tel: 00387 35 743 400 Fax: 00387 35 743 433, e-mail: opcina@banovici.gov.ba, Web: www.banovici.gov.ba

Broj: 06-23- 1394 /17-1
Banovići, 27.09.2017.godine

U skladu sa članom 46.a u vezi sa članom 43. Zakona o prostornom uređenju i građenju ("Službene novine Tuzlanskog kantona", broj: 6/11, 4/13, 15/13, 3/15, 2/16 i 4/17) Služba za prostorno uređenje, planiranje, razvoj i poduzetništvo općine Banovići kao nosilac pripreme u postupku donošenja Prostornog plana općine Banovići, donosi sljedeću

O B A V I J E S T

I

Obavještavaju se svi građani da je u toku izrada Prostornog plana općine Banovići za period 2015.-2035. godine te da je Općinsko Vijeće općine Banovići, na sjednici održanoj 05.09.2017. godine razmatralo Nacrt Prostornog plana općine Banovići za period 2015.-2035. godine te donijelo Zaključak broj 10/01-02-291/17 kojim se prihvata Nacrt Prostornog plana općine Banovići za period 2015.-2035. godine uz konstataciju da isti može poslužiti za izradu prijedloga Prostornog plana sa Odlukom o provođenju Prostornog plana.

Nacrt Prostornog plana općine Banovići za period 2015.-2035. godine sa Odlukom o provođenju Prostornog plana stavlja se **na javnu raspravu u trajanju od 30 dana i to od 13.10.2017.godine do 11.11.2017.godine.**

II

Pozivaju se svi građani, pravna i fizička lica, javna preduzeća, institucije, ustanove, nevladine organizacije, a prvenstveno vlasnici zemljišta i zakoniti korisnici prostora koji je u obuhvatu Plana da mogu Službi za prostorno uređenje, planiranje, razvoj i poduzetništvo općine Banovići, u pismenoj formi poštom ili putem e-mail adrese: opcina@banovici.gov.ba najkasnije do 11.11.2017. godine dostaviti mišljenja, prijedloge i primjedbe na Nacrt Prostornog plana općine Banovići za period 2015.-2035. godine

Za potrebe javne rasprave, urađen je skraćeni Nacrt planskog dokumenta, a javni uvid u kompletan dokument, tekstualni i grafički dio, može se obaviti u Službi za prostorno uređenje, planiranje, razvoj i poduzetništvo općine Banovići, kancelarija broj 20. (i to u periodu od 13.10.2017.godine- 11.11.2017.godine u periodu od 07:00 do 15:30h).

Kompletan nacrt Prostornog plana je takođe dostupan svim zainteresovanim pojedincima i subjektima i na web stranici Općine Banovići www.banovici.gov.ba, kako bi isti mogli uzeti aktivno učešće u javnoj raspravi, te dati svoje primjedbe, prijedloge i sugestije.

III

Program javnog uvida/javnih prezentacija u mjesnim lokalnim centrima možete preuzeti [ovdje](#).

Pored javnog uvida i javnih prezentacija iz tačke III održat će se i **javna rasprava dana 24.10.2017.godine sa početkom u 14,00 sati** u Radničkom domu Banovići, sala iznad Radio Banovića, na koju se pozivaju sve osobe iz tačke II obavijesti da se uključe u javnu raspravu i daju svoje mišljenje prijedloge i sugestije.

IV

Učesnici javne rasprave svoje primjedbe, prijedloge i sugestije na Nacrt Prostornog plana općine Banovići za period 2015.-2035. godine sa Odlukom o provođenju Prostornog plana mogu dostaviti u pismenoj formi Službi za prostorno uređenje, planiranje, razvoj i poduzetništvo općine Banovići poštom ili putem e-mail adrese: opcina@banovici.gov.ba najkasnije do **11.11.2017. godine.**

V

Služba za prostorno uređenje, planiranje, razvoj i poduzetništvo općine Banovići će, na osnovu svih prispjelih primjedbi, prijedloga i sugestija, sačiniti Izvještaj o provedenoj javnoj raspravi, koji će biti dostavljen nosiocu izrade Prostornog plana. Nosioc izrade Prostornog plana će, nakon usaglašavanja stavova, uraditi Prijedlog Prostornog plana općine Banovići za period 2015.-2035. godine, koji će biti upućen Općinskom Vijeću općine Banovići na razmatranje i usvajanje.

DOSTAVLJENO:

1 x www.banovici.gov.ba

1 x U spis

1 x a/a

POMOĆNIK NAČELNIKA ZA PROSTORNO UREĐENJE, PLANIRANJE, RAZVOJ I PODUZETNIŠTVO

Amir Mrkonjić, dipl.ing.